

QUÆSTIO MEDICA.

Quodlibetariis disputationibus manè discutienda in Scholis Medicorum, die Jovis tertiâ Martii, 1707.

M. ANTONIO PEPIN, Doctore Medico & rei herbariæ Professore, Præside.

Est-ne fermentorum vel mutue glandularum & liquorum configurationis opus, secretio?

PER ENNI succorum motu vitam constare quis negaverit? Integram servat tritura jurgis, foveat non interrupta secretio. Trituram intellige non in ventriculo solum, sed in toto corpore. Cæptam in ventriculo perficiant cordis contractio, pulmonum compressio, vasorum continua oscillatio. Inde succos in minutissimas partes attenuari ne dubites; Succorum auxilium respondet vasorum flexilitas: hæc ab illius naturâ contractilibus, quibus membrana prima vasorum initia constanter, ducit originem. Quid si glandula ipsæ tubulorum & vasorum sine glomeratione & plicæ, systaltici membranarum motus obstatent? tenaces; hic ut liquor & vasa communis, sic unicuique erit secretio omnium auctor. Quia arte sanguis fecerendus succos à se dimittit interrogas? Glandulam concipe (præcipuum secretionis organum) arteriæ versus cor reflectendo venam continuam efformantis curvaturam; Venæ & arteriæ directione solâ discrepant: vas idem apert dixeris & comminutus, motu præterea adus celeritudo, vario vasorum diametro ita accommodatur, ut hujus modò, modò illius liquoris, solo tritura gradu ab alio discrepantis, speciem & colorem induat. Motus igitur localis satis unus est ad vitæ munia. De illius efficaciâ dubitas? ad illius causas attende? Validissimam dico cordis contractionem à meningibus ortam, vasis communem, quibus igitur artibus succos fecerim putas? Circuitus sanguinis vim & effectus, ne dicam utilitatem, prorsus ignorare videntur, qui singulis partibus sua constituunt fermenta: circulationem crepant quoniam non intelligunt. Neque commodiorem secretionis expediendæ rationem à variâ criborum figurâ speres; hæc enim si requiritur, frustra secretionem expectes. Sic partes pabulo suo defraudari, sanguinem excrementitiis referunt particulis vitari contingit. Ut enim secretionem constet imprimis corporis æconomia, sic ab eadem læsâ morbos oriri quis dubitat? Unum & idem sanitas & secretio. Hanc quoque modo suspensam aut suppressam morbum dicas; ad vitam si necessaria, nullo igitur mutue configurationis aut fermenti subsidio hanc obtineri necesse est: hinc secretionis instituendæ faciliorem aliam, expeditiorem & naturæ consentaneam magis queramus viam.

EADEM est veritatis & naturæ via: quæ huic minis repugnat, si non vera, saltem aliis vero proximiora credideris. Simplificas iniqueque ratio; naturam enim ut & veritatem arguit simplicitas. Hinc certissima forma omnium norma, perspicuitas. Nec pro certo quidquam afferas quod sensu perceptis evidentiâ cedit. Principium ignorum quid adhibes, cum aliud evidenter longè bit suppetit. Geometras consule? credis problema quod unico postulato & evidente expediri potest, per multa non agnita, per poros nec agnitos, nec concessos trajicere nos cogit? Vis ad eam huius operi par aut superior; quid igitur dubiam & incertam ad adhibere lubet? Oculis veterum qualitates exulasse quid juvat; inanes vacui metus, formarum substantialium strepitum quid prodest conclamasse? ad secretionis occulta nostrâ ætate tam absurda Philosophandi ratio: nil novi in arte Novatorum. Mutato nomine eandem narrari fabulam quis non videt? Præclarum sanè Haruæni inventi fructum! Majorum errata aliis ut declinandâ monstrare, monstrata declinare non potuerunt. Absit à politicii solium, sed apprimè utiles separantur succi, quorum autem vel imminutâ secretionem, mirum quantum inde oriatur morbum & ægritudinum cohors. Utillum & excrementitiorum, crassiorum & tenuium secretionem iisdem artibus fieri ne dubites? nullum inter glandulas nisi vasorum numerum aut diametri laterem esse arbitris; hinc conglomerata, ut ren & hepâ, in quibus major adest vasorum diameter, minor numerus, crassiores exportant succos; conglobata quibus major vasorum numerus, minor obtingit diameter, tenuiores, nec succos inde separari potes ut foras omnes excreantur; quosdam sanguini circuitu proprio reddi fuisse experientia, evincit eorum usus; sic terrestrius depositis, subtiliores bilis particulæ per venas mearas ac ad hepâ denud fecerendæ deferuntur: sic succi nervosi tenuiori parte per cutem dissipant, spissior lymphaticorum opus sanguini iterum admiscetur. Secretionis igitur ut ad vitam maxima necessitas, sic simplex esse debet illius instituendæ artificium.

PARTICULARUM sanguinis, vasorumque fecerentium mutuum multiplicemque figuram ad secretionem requiri si credas, fallite cribri vulgaris analogia. Sanguis quidem succorum multorum dives variis diversæ molis & figuræ particulis constat. Sed quid inde; si pervia, fluida quippe, ut nullius figuræ tenacia, sic etiam quodcumque orificium, solutâ cohesione, subire facillimè possunt. At fortasse solidas dixeris moleculas in glandulis fecerendas? quæ rursus junctæ & ex pluribus minimisque loculis in majus spatium delecte fluidum Num secretio facilius? Quia potius nullam omnino celebratum iri existimes; si enim utendo tantum casu fieri posse constet, solis modis æquè valentibus impediri, nunquam celebrandum esse cerò pronuncies. Orificium ponas triangulare, quadratum, parallelogrammum, quodcumque volueris, solidum corpus licet similis & æqualis figuræ, nec minus me majus, omni alio excluso non admittet, nisi ad orificium similiter positum accesserit. Quid autem orificia fecerendas ad obvia foramina ita accommodabit, ut aliter ab his posita non appellanti vel nulla omnino prodibit. Num hujus explodendæ sententiæ certius indicium? Hæc si non valeat, inquires, secretionis instituendæ ratio, ut fides teneres vasa crassiora deportandis & fecerendis delinatis negligit? Quos graviore & magis conspicuos vides, ne crassiores difficilius cedentia. Hinc diversam corporum figuram, quâ minori excluso majus admittatur, ne inferas. Fluidi potius quod crassius apparuit partes ultimas minoribus diametris præditas, ac proinde minores esse conjicio.

INANI fermentorum apparatu secretionis negotium absolvi, eam ab his mutuari particulas fecerendas indolem, ut vasis occurrentibus figurâ respondeant, solus circulationis contemptor præseponat. Num turpius medico vim liquores attrahendi vasis concedere, an fluida fecerentis glandule proprii orificium sola subeant. Hinc varia variis in glandulis fermenta, variis quoque modis perforata cribra possunt; quare utramque infirmiorē statu talē opinionem putes. Sed esto, fermentorum opus sanguinem in minimas attenuari moleculas; hæc igitur sanguini admisceri necesse est, fluent igitur vi circuitus per canales corporis, fermentumque quodvis quovis loco secretionem instituet, secretioni natalibus locis provenientis similem. Verum fermenta hæc connata, an adventitia; unus an multiplex nature? esse per mille plicas, curvaturas, similesque resistentias in illis perennandæ necessitas; nervorum igitur lymphæ pro diversis fermentis incongrua. Si cum sanguine per arterias partibus glandulosis allabi dicat, fermentorum indolis & nature te planè inficium arguis. Quid eorum motum afferas oportet, sed etiam eâ copiâ quæ perennandis stante vitâ secretionibus sufficiat. Quid autem à ratione alienum magis? quid veritati minus consonum. Nec enim si ante mortem absumantur & deficiant, alia substitui posse à sanguine prætereunte credas? suum enim deest igitur absque fermentis semel est facta, quidni perpetuò iisdem posthabitis fieri poterit.

NON ergo ad imaginaria illa confusius fermentorum & pororum subsidia, ignavia totidem & ignorantia diverticula? Neque humoris indigenæ affinitatem peculiaris hæc in glandulâ secretionis causam agnoscat; hic enim ut à sanguine primò secretio, sic universis & singulis illius partibus prius conjunctus, cui hujus potius quam illius respuere confortum? quid autem à fermentis auxilium speras? ut scilicet illi inter singulas qualitates materie separandæ partes adactione, hæc divellant ab invicem, à priori cohesione sua tollantur, atque ita massa illa jam soluta, diversæque corpora ex quibus componitur separata dicantur: id absque fermentis obtineri minime posse putas? Cotidis vim & potentiam, Pulmonum nistum, vasorum structuram & pressione continuam, uno verbo mortis localis sanguinis velocitatem te remaneat. Cogita iter immensum hoc peragrandum sanguinem ab arteriis continuò oscillantibus pressum ac subatum, quem quem à corde motum accepit ita retinere, ut duplo quasi augeri videatur. Hinc fermento colligendo à sanguinis impetu tutum assigna si potes receptaculum: fermentationi, quam ad secretionem necessariam dicis, debitum tempus: particulis per glandularum poros sibi mole & figurâ respondentibus dirigendis genium peculiariter; superior erit unicuique localis sanguinis motus. Hujus opus attritos comminutosque succos, nullâ habita vasorum configurationis ratione, quem circulem omnem & solâ amplitudine diversam agnoscimus, vas quodcumque secretionis fatis amplum occurrentibus subire vero proximum est. Quid enim fecerendus liquoribus oblatet? an aër? sed longè magis sanguis in venâ proximâ contentus accedet per arteriam obstitit. Fluidum igitur in fecerenda delapsum, delapsuro non obstat, eodemque tempore ex omibus arteriis fecerunt illud, solumque sanguinis circuli motu, per exilissima glandularum totius corporis vasa transcolantur, suisque receptaculis, à pressione libera, colliguntur & asservantur, variis quibus tunc temporis destinantur usus interveniendâ.

Non ergo fermentorum vel mutue glandularum & liquorum configurationis opus, secretio.

DOMINI DOCTORES DISPUTATURI.

M. Armandus Josephus Collos.
M. Philippus Caron.
M. Joannes Gelly.

M. Michael Sawall.
M. Claudius Barlet, à Regiâ Scientiarum Academiâ.
M. Alexander Petrus Mattor.

M. Ludovicus Labbé.
M. Andreas Enguehard, Professor Regius.
M. Josephus Thomasseau.

Proponebat Parisiis MICHAEL PROCOPE COUTEAUX Parisinus, Baccalaureus Medicus. A. R. S. H. 1707.